

中國方志叢書·華中地方·第五四六號


據

清·王賓等修，應德廣等纂
清乾隆十九年刊本

影印

浙江省

建德縣志



成文出版社有限公司印行



中國方志叢書·華中地方·第五四六號

據


清·王賓等修，應德廣等纂
清乾隆十九年刊本

影印

浙江省

建德縣志

成文出版社有限公司印行



10096596

中華民國七十二年三月臺一版

建德縣志

共二冊

發行人：黃

成

助

出版者：成文出版社有限公司

台北郵政信箱二二六〇五號

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

本書原稿承國立故宮博物院惠借

謹致謝意

乾隆十九年重修

建德縣志

建德縣志序

將欲得夫為政之要而為之撫善良戢
姦慝明教化紓困厄潛移默轉於不言
之表救弊塞遺於將蠱之際則必觀山
川城郭而知邑之所由立按廬井田野
而知利之所由興察民情俗尚而知風

之所由始是故之一方則有一方之政
未可以膠柱刻舟之見謬謂為繫錦寸
也然筮仕者受

天子命委之民社東西朔南惟所使遠者數
千里近者千餘里入其疆官其地所見
非所習吏歷之久而不能悉舉其故

大抵然爾然則風俗隨地而殊張弛因
俗而異欲備知邦國之故而考鏡其得
失舍志乘則何以哉予以謏劣備員建
德甫下車適郡大夫吳公集六邑膠庠
之士謀所以續脩郡志者僉曰郡統六
邑邑志為郡志之權輿邑志未脩郡志

不可得而舉也於是咸請先輯邑志而
吾建德為郡首縣前明二百七十年未
有成書舊志之作創自

昭代嗣是以還紀載未續又七十餘年矣
鄉先生應君德廣引為已任爰取舊志
重加釐訂闕者補之訛者正之後者續

之舉以畀予予以政事之暇更相討論
類而輯之以成是編凡數閱月而後定
夫為今者以一人之身坐於堂皇之上
而運量乎百里之間將披其帙而觀夫
山川原隰表裏繁錯則思封域何以守
闢夫城垣廬舍廟宇市廛則思神人何


以安覩夫田賦戶口增減登耗則思民
生何以遂覩夫宮牆禮器俯仰讓則
思禮教何以興而且覩夫陂塘流行則
灌溉所必資也倉庾崇闕則儲畜所必
脩也物產充牣則耕牧所必勤也稿稊
郵傳則道塗所必飭也高年耆德則

讓所必行也縣是教養全而風化成焉
人材衆而科目盛焉俊良興而人物是
焉與夫高人畸士義夫節婦何莫非邇
之良而俗之美哉此皆志之所有事於
編摩而貽之方來者語云前事之不忘
後事之師也其莫尚於斯矣書成付之

剗剗氏邑紳士詹君肇衍夏君嵩年王
君大朋張君起運數君子贊襄之力為
多行見郡志之修繇此觀厥成焉則以
是為郡志之嚆矢可已

乾隆十九年四月上浣文林郎知建德

縣事妻宋王賓謹撰



原序

古者建邦惟萬武王克商封天下爲十八
百國國皆有史所以紀其疆圉民物辨其
土田職貢誌其習俗察其豐凶詳考其廢
興損益得失教化之端觀風者復采其謳
謠歌咏之辭上之太師而叶乎六律六呂
之聲以備八風之奏成職方之圖甚盛事
也自罷侯置守以來今之郡邑古之列國

也今之郡邑志古之列國之史也官其土者苟不詳慎而蒐輯之其何以稱吏職而云無曠哉建爲嚴郡首邑歷漢唐宋元圖志有無未遑遐論獨有明二百餘年從無專志所謂疆圉民物之類悉附見於郡書今

皇帝統御六合宰制羣倫聲教所訖遠被交南漠北海隅日出之鄉流沙萬里之外幅員

之廣卽堯舜三代之隆莫之及也乃

詔天下郡邑纂續志書將以陳之

廟堂而爲蘭臺石室載筆之所訂延裔自歲辛

酉承富春之乏奏

命來長是邑於茲三載適膺脩纂之令尋繹府
志以縣無成書深用祇惕爰集本邑博碩
紳儒精加編校凡兩月而竣其爲書九卷
爲志五十類大約與古列國所紀疆圉民